


ბატონი

№ 20 • იუმორისტ. ჟურნალი 1914

1233



კაცი კოლოფში (ახუ გლახების კასა).

მას ეამსა შინა, როდესაც პური
 თბილი, მსუქანი, ფედერალური,
 გაჩნდა კურთხეულ საქართველოში:
 და აოჯის იზოში.

ასტყდა განგაში და მუშტის ცემა;
 ზოგს მშიერს მუცლის აუტყდა გერემა,
 ზოგი ეს-დეკი, ეს-ფერი ვახდა
 და სან-მან-მან...

ქუა-ნამუსით სრულად გაბახდა.
 ყველა: უღონო და დავრდომილი,
 ან თუ ქალწული, ეშხით ცდომილი,
 საამქვეყნიოთ დრო-გადასული, —
 შოენისტათა გამონათლული, —
 რა ჰპოვეს პური ახლად-შობილი,
 (პირველ, კიტასგან ამოკნობილი),
 რაიც საკუქო გამოდგა რა-კი,
 ირგილივ კბილებმა იწყეს წაკწაკი
 და თავადთ გროვა მუნ მოვლენილი,
 ჯარათ მიადგა პირ-დაფენილი...
 —ეს იყო ბანკი!

და ფულის პარკი
 როგორც-კი ცოტას შეირხეოდა, —
 მიწა ღელავდა, ცა ირყეოდა
 და ლასხიშვილი ბაქოს მდებარე,
 თბილის-ქალაქში გაიქცეოდა;
 (თურმე, ეშმაკიც ვერ მიწეოდა!)
 და ჰა, მიადგენ მშიერ-სნეულნი,
 ეს-ფერთ ბანაკით გამოწვეულნი,
 და იმნაირი ხერხი იხმარეს —
 გლახა თევდორეც კი მოიხმარეს.
 ბარეს და ბარეს, თხარეს და თხარეს,
 გახვრიტეს ბანკი ორთავე მხარეს,
 სძლიეს მიზანი დანაქადები
 და შეადგინეს შიგ ბელადები..

ალარ ჩხავიან ახლა კატები,
 არცა იმათი „კანდიდატები“
 და ისე ყრია დღეს სალაროში
 ფული, ვით ხორცი სასალახოში.
 და აჰა, აგერ, კაცი კოლოფში —
 მათი მიზანი და იდეალი!
 „სამშობლოს“ ყვირის ფულებთან ომში,
 და კასა არის მისი ტრფალი.

ჰოი, კიტაო შე კურთხეულო,
 რა მანქანები მოვიგონია,
 შენი პარტია და საწვეულო —
 კუქთა სარბევი დოღი გქონია!
 ყველა დავრდომილ და დაცემულებს,
 (გამოესალმა ვინცა მამულებს)
 ვინც რწმენით გონჯი, ქუთით ბატა,
 გულში იხუტებს შენი პარტია!
 მაგრამ ვინ მოჰკლას კუქის წადილი? —
 თავადებს გიყვართ კარგი სადილი
 და დამატებით — ფედერალობა,
 (ისე, ვით გიგოს, კეკემელობა!)
 გამოიჩინეთ მამ აწ, ქალობა:
 წაშალეთ სიტყვა — ფედერალისტი,
 და წააწერეთ დროშასა თქვენსა:
 „გლახაკთა კასა, კუქის არტისტი“

ფეცავ, ეს უფრო შევეფერებათ, —
 თავადნი უფრო მოვეფერებათ
 და თქვენი სახე ისტორიაში, —
 მუდამ იქნება საპყართ სიაში!

შუბი.

მუშის სიმღერა.

მე მარტო ვდგევარ ბრძოლისა ველზე, —
 ჩემ საკეთილოდ არაფერ ზრუნავს,
 თუ არ ჩემებრივ ოფელში ნაწრთობი
 წყლულებსა ჩემსას ვერვინ გაჭკურნავს.

კმარა, არა მსურს მე ძიძა — ლალა, —
 ბრძოლის სურვილმა იფეთქა გულში,
 და მიზანს ვპოვებ მედგარ ბრძოლაში
 ძმობა-ერთობა და სიყვარულში!

და თვით გავიკვლევ ჩემს გზას ეკლიანს, —
 სიმართლის კვერთხსა ავიღებ ხელში,
 ის მეყოლება მე თანამგზავრი
 ცხოვრების გზაზე, ცხოვრების ბნელში.

მივალწევ მიზანს, ედემის ბაღნარს,
 სიმართლის ტაძარს იქ ავაშენებ
 და ოფელში მცურავ მკერდსა მაშვრალსა
 იქ, წმინდა ადგილს, მე შევასვენებ..

გოგია.

სოფლის მუშები.

(ძღვანთ ბაგ-ის და გერ-ის)

აღექ ბიჭო, აღექ ვანო!
 ჰა თენდება უკვე დილა,
 ვიშ რა კარგი დარი ღებება:
 ზეცა ლურჯათ მოწმენდილა.

ხენა ხომ უკვე გავათავეთ, —
 ახლა თოხნას მივყოთ ხელი,
 ერთად, ძმურად, მეგობრულად,
 წინ გაესწიოთ ჩვენ უღელი.

აბა ძილის რა დრო არის?
 კიდით კიდემ გაიღვიძა;
 აღექ ბიჭო შრომის შეილო, —
 ოფლით მოერწყოთ ღედა-მიწა.

აბა ძმურად ხელი ხელსა,
 უკუ ვადლოთ მჭრობა-შური
 და ფრინველთა ნარნარ ქიკქიკს
 შეუერთოთ ჩვენც „მეშური“.

ხომ შეხედეთ ნორჩსა სიმინდს,
 როგორ სქარბობს ეკალ-ნარი
 დავკრათ თოხნი, მოვსკრათ ძირში
 უსარგებლო რაც კი არი.

ნუ ვაყოვნებთ, დაუჩქაროო,
 ჰა თენდება უკვე დილა,

წუხელ წვიმა, დღეს ჯგჯილი აბა ვნახოთ თუ ვაზრდილა.

თუმც წარსულში, ჩვენი შრომა უნაყოფოდ დაიკარგა, — მაგრამ მოდის მომავალი, წინ, წინ გასწევს ვინც კი ვარგა!..
კვახაძე.

ა ნ კ ე ტ ა

(ქართულ თეატრის შესახებ)

დღეს ქართული ხელოვნების ისტორიაში ღირს შესანიშნავი დღეა. დღეს პირველად იკრიბებიან სცენის მოღვაწენი და ყველა ისინი, ვისაც რაიმე კი აკავშირებს ქართულ სცენასთან. დღეს პირველად უნდა ჩაეყაროს საფუძველი ახალ საქმეს. დღეს ქართული ხელოვნება უნდა დაადგეს აღორძინების გზას და მტკიცე ნიადაგი მოიპოვოს მომავალ ცხოვრების. ამ ღირს შესანიშნავ დღისთვის ჩვენ განვიძრახეთ მოგვეხდინა ანკეტა იმ პირთა შორის, რომელსაც რაიმე დამოკიდებულება აქვს ქართულ თეატრთან. ამ მიზნით წერილობით მივმართეთ ქართველ მსახიობებს, პოეტებს, ბელეტრისტებს, დრამატურგებს და სხვა. მოგვყავს დაწვრილებით თვითოეული მათგანის აზრი ქართული თეატრის შესახებ. ჩვენი შეკითხვა ასეთი იყო: **რას ისურვებთ ქართულ თეატრისთვის?**

პასუხები აღარბეული მივიღეთ, რომელთაგან მოგვყავს უფრო ღირს შესანიშნავი.

პასუხი ქართველ მსახიობებისა:

ჩვენი ერთად ერთი სურვილია ქართული თეატრი გარდაიქცეს ერთ დიდ რუჰმბათ. რუჰმბი წითელი ღვინით უნდა იყვეს გატკეპილი. რუჰმბს ოთხი ძუძუ ჰქონდეს. ოთხივე ჩვენს პირში იყვეს და ნება გვქონდეს ვწოვოთ სანამდე გვინდა.

ქართველი მსახიობნი: ვ. გუნია, იშხნელი, ყიფიძე და გვარამია.

მეც თანახმა ვარ.

სუფლიორი ბეგლარიძე.

ჩემი გულწრფელი სურვილია ქართული თეატრის სცენა ერთ დიდ

რგვალ მაგიდათ გადაქცეულიყვეს, მსახიობნი სათამაშო ქაღალდებით და „ზუბლიკა“ „მაზისტებთ“. ქართულ თეატრის აღორძინება შეიძლება მხოლოდ მაშინ.

ავლაბრის თეატრის მსახიობ-რეჟისორი ს. ივანიძე.

ბიჭო! რას ჩამაცვიდით! რას ვუსურვებ ქართულ თეატრს? ნეტაი ღმერთი იზამდეს და ერთ პატარა კოლოფად გადააქცევდეს ამ ჩვენ თეატრს, ისე, რომ შემძღოს ჩაგყარო შიგ მსახიობნი, პიესები, დეკორაციები და ავიკილო ზურგზე. იცოცხლეთ მთელი საქართველოს კუნძულები შემოვირბინო. ვაი, ნეტა მართლა ასე იყოს და ეს კოლოფი აქ მომცა ყვირილაში.

მსახიობი ვ. ურუშაძე.

კიდევ მრავალ მსახიობთაგან მივიღეთ წერილები, მაგრამ უადგილობის გამო ვერ ვბეჭდავთ.

პასუხი დრამატურგთა:

რა უნდა ვუსურვო ქართულ თეატრს? ვუსურვებ მომავალ სეზონში მხოლოდ მარტო „სინათლე“ დაედას სხვა არც ერთი პიესა. მეც გადავსწყვიტე ჩემს სიცოცხლეში სულ „სინათლე“-ს გაგრძელება ვსწერო.

ი. გედევანიშვილი.

ქართულ თეატრს ვუსურვებ ერთ რამეს: თუ კიდევ ჩემგან ჰიილოს რაიმე „ნაგავი“, თავი არ მომქრას და ხალხს არ აჩვენოს.

ნ. შიუკაშვილი.

ჩემი სურვილია ა. წუწუნავა სულ მუდამ ქართულ თეატრში დარჩეს რეჟისორად, რომ ხელი შემწყოს ბოლოს მაინც მოვიხვექო დრამატურგის სახელი. თითო „რამეს“ ყოველ წელიწადს ვსწერ და თუ წუწუნავა არა, ისე ვინ აღირსებდა სცენას.

ს. კანტურიშვილი.

გულით ვუსურვებ ქართულ თეატრს ჩემს დრამებიდან 25 მაინც დაედას მომავალ სეზონში. ერთი

წლის განმავლობაში ოთხმოცი დრამა დავსწერე.

გ. ფაცხოველი.

ქართულ თეატრს რას ვუსურვებ? ისიც დიდი წყალობაა ჩემთვის, რომ მომიგონეთ და გინდათ ჩემი აზრი გაიგოთ. რას ვუსურვებ? შეგ ქვას და ცხელ ნაცარს. რა ოხრათ მინდა ქართული თეატრი?! ვწერ დრამებს და ჰყრია ოხრათ, ვერასოდეს ისინი სცენას ვერ იხილავენ. ჯერ იყო და დაბეჭდვა გაკირდა და სცენას ვილა აღირსებს. ამიტომ ჩემთვის სულ ერთია, გინდ იყოს და გინდ არა ქართული თეატრი.

გამოჩენილი დრამატურგი ხეჩუაშვილი.

გულით გვსურს ქართული თეატრი სულ ჩატკეფილიყოს ჩვენში და მის დარბაზში მუდამ ლოტოს თამაში ყოფილიყოს.

ახალ კლუბის მამასახლისები.

ქართულ თეატრს ვუსურვებ ჩემთვის ანგარიში გაესწორებინოს. ის დღე მომასწრას ღმერთმა რომ აფიშა დაგებქლო და მაშინვე ფული მივიღო.

მესტამბე მიხა გაჩეჩილაძე.

დანარჩენ წერილებსა შემდეგ ნომერში მოვითავსებთ.

„მათრახის“ რედაქცია.

პირველი, პომბტური „ნახეთქი“.

ბოდიშს ვიხდი, ბატონებო, თუ ვერ გითხრათ ლექსი კარგი, მოგახსენებთ გულ ახდილათ ეგ არ იყო ჩემი დარგი.

ქართველ პოეტთ უთვალავ ჯოგს შევეპატე კიდევ ერთი, არ მინდოდა პოეტობა მოწამეა მაღლა ღმერთი.

გეტყვით ესლა როგორ მოხდა საარაკო ეგ ამბავი, სრულ სიმართლეს მოგახსენებთ არ მოგიკვდეთ ჩემი თავი.

ამ ბოლო დროს გაგვიზიარდა საღამო და უფრო დილა, ყველა მართავს, მას არ უნდა — არც საპონი და არც ლილა.

გუშინ დილით მეცა მოხოვეს წამეკითხა თქვენთვის რამე, რას ვიზამდი მოვიმართე არ მეძინა მთელი ღამე.

და ამ დილით ვარიერაზე სტოლის კუთხეს ჩამეძინა, და უეცრად ამ ტკბილ ძილში ვილაც კაცი მომევილინა.

მივიხედვე დავინახე ტანთ ემოსა თეთრი ბლუზა, დამიყვირა ვერ მიცანი? პოეტების მე ვარ მუზა.

დაიდრიჯა, დაიკლავნა შესაზარათ მოიკუზა, გადმოფრინდა სტოლისაკენ ერთი მაგრათ თავში მღრუზა;

და გადმოსკდა ნიაღვარი, პოეტობაც ასე უნდა,— თუ არ იწყენთ ძღვენათ მიირთვით ჩემი ლექსი ერთი გულად.

ახალი პოეტი.

გურუღი სცენა

ყაჩაღის მოკვლა.

იმისთანე უბედურობა და სირცხვილი შენს მტერს დიემართოს, რაც ჩვენ ნაჭირავებ მამასახლისის დიემართა. კვირე ღამეს მისულა ბატონო ვინცხა და უთქვამს: ამა და ამ კაცისას გამოჩენილი ყაჩაღი ბენტერაშვილი ვახშამს ჭამსო, თუ შეგიძლია წიყყვანე სტრაჟები დიეცი თავზე და დეიქირეგო. დაფაცურდა თურმე ჩვენი მამასახლისი, დოუძახა სტრაჟებს ახსენეს ღმერთი შექედენ ცხენებზე და გასწიეს ყაჩაღის დასაჭირავათ. უმთვარო ღამე იყო. ერთმა თვალ მახვილმა სტრაჟმა დვინახა ვინცხა ნაბდიანი მოზავალი კაცი ფშუკაში და დოუძახა: რომელი ხარ შენო, თუ ბენტერაშვილი ხარ გირჩევენია ცოცხლად დაგვრჩიო, მიყვირა მამასახლისმა, მარა თქვენც არ მომიკვდეთ, იგი მაინც ხმას არ იღებს და გულდათ მოდის ავინისკენ, მაშინ უბრძანა მამასახლისმა სტრაჟებს, ვსროლეთო. უცბათ იგრაილა თოფებმა და იგრაილა, შეიქნა უღმერთო „ხალპი“ მთელი ჩვენი სოფელი ფეხზე დადგა. მივ



სამტრედია. წ. კ. საზოგადო კრების მიერ გადაყენებული „საზოგადო მოღვაწე“ და მათთან შეშინებული თავის მაქებარი ექიმი.

ცინდით ცაი და ქვეყანა და რაღარც დარწმუნდენ, რომ ყაჩაღი ზოკლუ ლიაო, შეწყვიტეს სრლა, მოუვიდათ ერთმანეთში ყინყილი, არა მე ვესროლე უწინ და არა მეო, ერთი მაინც თლათ იკლავდა თავს, ჩემი თოფის გავარდნა და ყაჩაღის წაქცევა ერთი იყო. ყველა ჩინ-მენდალს ელოდა. მერე რავაც იყო დაშოშმინდენ. მე აღარ მომითმინა გულმა, ვიფიქრე მივალ და ვნახავ კვდარ ყაჩაღს მეთქი, გოუქნიე სფიჩქა, მივედი და ვნახე. მერე არ იკითხავთ ვინ ამოჩთა ბენტერაშვილის მაგიე? ბეჭუკელეს შავი ძროხა.

ზენათობა.

ბათუქის ვითარება


(მოკლე მოხსენება)

თანახმად თქვენი დავალებისა, მე მოვხადინე რევიზია ბათუმის რკინის გზის დეპოში. აქაური მუშები რამდენიმე პარტიათ არიან დაყოფილნი: 1) ფანდისტთა, 2) ნარდისტთა, 3) კარტისტთა, 4) ყანწისტთა, 5) ქეშმარტ გზათა (18—20 კაცი) და 6) „ილიკოსტები“.

თუმცა ილიკოსტთა პარტია მცო-

რე რიცხოვანია, მარა ეგ არაფერი. მთელი დეპოს საქმე მაზე ტრიალოებს. „ილიკოსტთა“ პარტიის პროგრამა შემდეგია: 1) მუშა, რომელიც უფროსს დაუახლოვდება უნდა გახდეს მოხელე და მიემატოს დღიურად ხუთი შაური. 2) მოწინავე მუშები ყველა პირუტყვები და სხვა ცხოველები არიან. 3) მუშამ (სულ ერთია რა პარტიისაც იქნება) აუცილებლათ ქებათა-ქება უნდა უძღვნას შავრაზმელ შმიდტს, 4) პარტიის წევრი ვალდებულია ყოველი საშუალება იხმაროს მუშების სოლიდარობის დასარღვევათ. 5) მუშების ყოველივე მოქმედება დაუყოვნებლივ უნდა ეცნობოს უფროსს, რომ საჭირო ზომები დროზე მიღებულ იქნას. პროგრამის დანარჩენი მუხლები პარტიას ჯერ გამორკვეული არა აქვს, მაგრამ ახლო მომავალში საზოგადო კრება მოხდება, რომელზედაც სავსებით გამოირკვევა თვით პარტიის ლიდერის ილიკოსი და მისი პარტიის „ილიკოსიტთა“ ფიზიონომია. ამის შესახებ შემდეგ გაცნობებთ.

ლრიჭინა.



ამ იჯდა შურული.

ვითარცა კრუხი
 „მოქურუფული“,
 აქ იჯდა გოგი
 გვართ ქურული.
 იჯდა თავისთვის
 ტყბილათ და წყნარათ,
 არავინ ჰყავდა
 ხმოსნებში მწყრალათ.
 ყოველ ოც რიცხვში
 ქანქარს იღებდა,
 ნელი ღიღინით
 ჯიბეს იღებდა.
 მაგრამ უეცრად
 საქმე ქნა ძნელი,
 მან მიატოვა
 ეს სავარძელი.
 გაიქრა ველოდ
 ვითარცა ხელი,

რომ მოეხვეჭა
 დიდი სახელი
 (და შეეწირა
 მთელ საქართველოს,
 ვითარცა მსხვილი
 თაფლის სანთელი).

შემოკრბენ ყველა
 ხმოსან წვევრები,
 და დიგლიჯეს
 თმა და წვევრები.
 თათბირის შემდეგ
 გაშალეს სუფრა,
 ბევრმა ლამაზი
 რეჩიც კი უთხრა.

მოღბა გიორგი
 ისევ დაბრუნდა,
 საერო საქმე
 გამოგვიბრუნდა.

და სავარძელსა ამას ცარიელს
 კვლავ მოველინა საქმის მმართველი,
 ჩვენი მამულის ერთგული შვილი
 თავდადებული ჩვენი ქართველი.
ქართველი ხმოსანი.

**თავდადებული
ქართველი**

(ანუ ღურმიშხანული კვანტი.)
(დასასრული)

ბუნებრივად გორგი დიდი ცვა-
 ლებადი ხასიათის იყო, ყოველ
 აღმამანს შეეძლო როგორც უნდო-
 და ისე დაეხვია ხელზე. მეტად ჩვი-
 ლი გულის პატრონი გახლდათ და
 არ შეეძლო ვისთვისმე რამე ეწყე-
 ნინებია. ხშირად გამგებობის კრებებ-
 ზე თავში უფაჩუნებდნენ, მაგრამ
 გორგი ყველაფერს იომენდა სამშობ-

ლოს გულისთვის. ხშირად მიმართავდნენ ხოლმე ქართველები რაიმე საქმეზე, ჟორჯი ყველას მხოლოდ ტკბილი სიტყვებით ისტუმრებდა. ასეთი იყო მოღვაწეობა ამ დიადი გვამისა.

დადგა საბედისწერო წუთი გამგეობის კრებაზე წამოაყენეს საკითხი ექიმის დანიშვნის შესახებ. ჟორჯიმ უკანასკნელი ძალ-ღონე მოიკრიფა, ქართველური სისხლი მაქარივით აუღულდა ძარღვებში, წამოაღდა და მაგიდაზე ისე ძლიერად დაჰკრა მუშტი, რომ გამგეობის წევრებმა შეინიშნეს ყურები შეახდრეს.

— სომხებო! დადგა დრო როცა უნდა გამისწორდეთ. თქვენ მოგისურვებიათ ჩაჰყლაპოთ ჩვენი სამშობლო, ჩვენი მიწა-წყალი, ჩვენი სახლები, მთელი საქართველო, ქართველი ერი. დღემდე ვითმინე, მაგრამ ესეა კი აღარ შემძლია. მე ნოვათხოვ ექიმის თავისუფალ ადგილზე უნდა დანიშნოს აი ეს ღორთქიფანიძე—დასტყვილა ჟორჯიმ და მარჯვენა კიბიდან პიტარა ტანის კაცი ამოათრია.

ჟორჯიკას კოლეგები უხერხულ მდგომარეობაში ჩავარდნენ მეტი რა გზა ჰქონდათ იქვე აღუთქვეს სურვილის ასრულება და ჩვენი მამული-შვილიც მეტათ კმაყოფილი დაბრუნდა სახლში და ძლიერის მადით სადილს შეექცა.

გავიდა ხანი. ჟორჯის სურვილი ფეხ-ქვეშ გათელეს, მამულის სიყვარულით აძიგდებულნი გული შეურაცხვეს, ღორთქიფანიძის მაგიერ დანიშნეს ვილაც სომეხი.

ეს ამბავი მეზივით დაატყდა თავს საბრალო ჟორჯის. აღარ იცოდა რა გზას დასდგომოდა. ერთი კვირის ფიქრის შემდეგ გადასწყვიტა დემონსტრაციულათ სამსახურის თავის დანებება. დროც კარგი იყო, რადგან ბანკში არჩევნები ახლოვდებოდა.

იფიქრა და ასრულა კიდევ. გამოვარდა „უპრაოდან“, მამულისთვის თავი დასდო. ეს მისი გმირობა ღირსეულად დააფასეს. როცა ის

სახლისკენ მიდიოდა ქუჩაში ხეები მოიღუნა და სალაში მისცეს, ქალი და კაცი ვველა თაყვანს სცემდა სასიქადულო მამულიშვილს. თითქოს არც პატარა ბელურა ჩიტს გამოებარა ასეთი გმირობა, გზად ქულზედ შეაფრინდა და ნახად ნისკარტი ჩაუკაქუნა, თითქოს უნდოდა გაეგო რა აზრები ტრიალებდა თავში.

გმირმა ჟორჯიმ უკვდავ მამული-შვილის სახელი მოიხვეჭა. დაღონდენ მისი თანამშრომელი. ისინი მის ანბავი შეურაცყოფათ მიიღეს და მოინდომეს ჟორჯის დაბრუნება. როგორც ყოველთვის აქაც მსუქანმა სადილმა გასჭრა. ჟორჯი სუფრის თავში დაასკუპეს, კარგად გამოაძღეს, ბევრი რეჩები უთხრეს, ბევრი ცრემლი დაფრქვიეს, ბევრი კოცნეს და ისევ დაუბრუნეს ქალაქის გასგეობას.

მსუქანმა სადილმა კინაღამ თავისი ქნა, ჟორჯი თითქმის მოღბა და ის იყო შეაღო თავის კაბინეთის კარები და ძველ სავარძელში უნდა ჩამჯდარიყო, რომ კარებში შეხვდა „თავ დიდა“ გამგეობის წევრს, რომელიც რამდენიმე წლის განმავლობაში კინაღამ გადაჰყვა წევრობის ადგილის შოვნას. „თავ დიდამ“ გაუღიმა მიელაქუცა და ხელათ წამოულავა ახალი ამბები, ქალაქის თავმა ეს სთქვა შენზე, გამგეობის წევრებმა ესა, ხმონებმა ესაო და სხვა მრავალი. ისე ეტიტინებოდა როგორც პატარა ბავშვი მიუტანს ხოლმე ამბავს თავის დედას, მეზობლისას ესა და ეს ილაპარაკეს ჩვენზედაო და უმეტეს შემთხვევაში იმას ეუბნება რაც მის პატარა თავში გაიჩქუნებს ასე მოუვიდა „თავ დიდასაც“. ჟორჯი ანთო. პორთფელი იქით მიავლო და ქუჩაში გამოვარდა ასტყდა ერთი აურზაური. უკან გამოუდგენ დაიქირეს. პირში წაუდგენ „თავ დიდას“ გააწითლეს. გამოირკვა რომ არავის არაფერი ეთქვა, მაგრამ ჟორჯი მაინც ქუჩისკენ იწვეს. ჯერ ჯერობით მტკიცეთ გადაწყვეტილი აქვს საზუღამოთ მოშორდეს ამ „სომეხთა“

ხუდეს. რით გათავდება ყველა ეს ჰომავლის საქმეა.

ბედნიერი ვართ, რომ სულ არ გადავშენდით და თითო ოროლა თავდადებული ქართველი კიდევ გყავს. ჟორჯის სახელი უკვდავი იქნება.

მზაკვარი.

ქესტვირული

(ჩოხატაურისთვის)

შენ ჩემო სტერო კამანჩავ შემოგვეღვევი თავზედა, დაულალავი გამოღვე უმაგრესი ხარ ქვაზედა. შეეცვალოთ კილო სიმღერის საგამოცანო ხმაზედა, მსმენელმა იმას აკუთვნოს ვინც დაეყუდოს ყალბზედა. დამიწყოს ლანძღვა-გინება... მოილოს თავის თავზედა, არ ვარჩევთ მტერ და მოყვარეს ვადგივართ სწორე გზაზედა, ვისაც შევნიშნავთ სიგლახეს მას შივადგებით კარზედა... პირადათ ვერრას გვეტყვიან და თუ „გვამკობენ“ განზედა. აგრე ტურებმაც იციან, ძალღების დანახვაზედა!

ხო და, დავიწყოთ გეთაყვა გამოკანისა თქმულება, „ღრანტესა“ შინა შობილი, რალაც სხვაგვარი ქნნილება, თან დაყოლილი სენი აქვს მელური გამოქნილება!.. კაცი ეს-დევი სიტყვითა, საქმით კი... გაგიკვირდება... (სახელი ესე „რეკლამა“ მგონია უფრო სჭირდება).. ხან ბრძენი არის სოლომონ, ხან ისე გამოტვირდება,— რომ ბოქაულის ქებასა სამი საათი სჭირდება!.. მერე, როდესაც აქეთვე გამოდარი გამობრუნდება,— სულ სხვაფერ იწყებს სჯა-ბაასს, სულ სხვაფერ აღიღინდება!.. „კორესპონდენტობს“ კიდევ (ბევრსაც ეს გაუკვირდება)... მარა სწერს იმას, ყოველთვის

რაც რომ მოსწონს და ჭირდება. ორი ათასი ჭანჭარი შკოლისა შეწირულება, (რომელიც მომაკვდავიდან მასთანაც იყო თქმულება) რომელში მგელმა ჩაჰყლაბა, რატომ არა ქანა მხილება?*)

ის ამ საქმეში ერა, თუ თითონც ჩაუფარდება, — ხალხი ექვს იღებს, — ამბობენ, — „წილი მასაც ხვდა იქნება!“.. და თუ ეს ასე, არ არის ჭანჭარის განაწილება... განა „დემოკრატს“ რომელიც (ვითომ ხალხს ემსახურება)... შეჰფერის ასე გულ-გრილად თვალთ საქმეზე ყურება?... ხსენებულ ჭანჭარის „ჩაყლაბვით“, (ეს სხვებსაც გავგონება) რუსეთში ქართულ მღვმებსა, — გაუნახვერეს ქანება!.. აწ კმარა ჩემო ქამანჩავ, მეც რაღაც ტანში ზმორება ამიტყდა... „კარგს ნუ ელიო“ მიჩივა აზრი, გონება — ამაში შვიდი კაცია... ხეობა ნუ გვეგონება, მათში ისეთიც ბრძანდება — მამა-ჩემსა აქვს ცხონება, ერთი რომ ბრძანოს... მშვიდობით, ცოლი, შვილი და ცხოვრება.

მაშ დაუწიე ქამანჩავ, — ხიფათი განგეშორება, თორემ მეორედ, ვის ძალეძს, სიცოცხლის განმეორება?!

წაველა.

დეპეშები.

(ბუსესლათინას სსკენტო)

ოზურგეთი. ცნობილი ვასილი ქალაქის აფთიაქის დახურვას ცდილობს. ამ აფთიაქს ქალაქისთვის ზარალის მეტი არაფერი მოაქვსო. ამას

*) ეგებ შეშინდა საწყალი, რომ მღვდელი დაემღურება... თავადი მათრახს გადაჰკრავს, მელიტონ გავბლურება, გრიგორისაგან უთუოდ, არ აღდებოდა ვინება!..

მკითხველი.

მით ასაბუთებს რომ ქალაქის აფთიაქში დღიდან *გახსნისა ხუთი ათასამდე რეცეპტი შემოსულა; მისაში კი მხოლოდ რვაასზე ცოტა მეტი ზარალიც ამას ქვია.

ს. კახური. ჩვენმა მღვდელმა იოსებმა ამას წინეთ საყდარში ცირკი გამართა. ჯვარ-დასაწერი სამი წყვილი ქალ-ვაყი ერთად დაამწკრივა. ერთ წყვილს გვირგვინი დაადვა (სხვები უჯვირგვინოთ დარჩა) და ჯვარი დასწერა. ჩაბარების დროს, ადგილის სიფიწროვის გამო აირიენ. ჯვარ-დაწერილებს ერთმანეთი შეეცვალათ. დიდი ხმაურობა და სიკოლ-ხარხალი ატყდა.

(ზეინაბის სსკენტო)

ფოთი. 1 ივნისს აქ უნდა წაეკითხა გ. ქუმბურიძის და „ცნობილ“ მამულიშვილთა მამლაყინწა „ფედკას“ ლექცია ქართულ ენაზე. ლექცია „სხვა და სხვა მიზეზების გამო“ გადაიდვა შაბათისთვის. ამ გარემოებამ დიდი აღშფოთება გამოიწვია მამულიშვილთა „აუარებელ“ დამსწრე საზოგადოებაში, რომლებიც დიდი წყურვილით ელოდებოდნენ „ფედკას“ ლექციით დატკობას. ყველაზე უფრო გული დაწყდათ: ანდრის, კოლიას, ემელიანს და აბიბო ღანკიხოტს.

— აქაურმა მამულიშვილებმა გამოსათხოვარი სადილი გაუმართეს „ცნობილ“ ნოტარიუსს გვალიას, რომელიც გადაჰყავთ ყვირილაში. სადილოს ბევრი წარჩინებული პირი დაესწრო, ბევრი ღვინო შეისრუტა და ბევრი რეჩი დაინთხა.

ტოზანიური. (ქუთ.-მაზრა) აქაურმა ინტელიგენციამ და ვაჭრებმა დაადგინეს: რადგან სამკითხველოს შენობის გაყიდვით კაი მოგება დარჩათ, კიდევ შეაგროვონ ფულგები და გამართონ ყიდვა-გაყიდვა. სამკითხველოს ნება-რთვა ისედაც მოთავსდება მასწავლებლის ხსენებულ ოთახშიო.

— რადგან პროკლე-ეკიმს ტანისამოსის შკაფი არ ჰქონიბია. სამკითხველოს შკაფი მისი უყნით მისულა

ლა მასთან. დაეინებით ლაპარაკობენ — როცა პროკლეს ტანისამოსი ალარ ექნება, ისევ უკან მოვა თავისივე ფეხითო.

— პოლიკარპე-ფერშალოთან საჩივარში ასი მანეთის ამოსაღებად ბაზრის დებუტატებმა საჩივარში დახარჯეს 2500 მანეთი, რომ საქმე მოიგონ გამოუჩანგარიშებით კიდევ საჭიროა 5000 მანეთიო. ფულს აგროვებს საზოგადოება.

ბზიკი.

წერილი რედაქციას.

ბ. რედაქტორო! თქვენ პატივცემულ ჟურნალის 19 ნომერში გადმობეჭდილია წერილი „აზრიდან“, რომელიც ეხება ბ. „წაველას“ მიერ მოთავსებულ წერილს, თქვენსავე ჟურნალში, შესახებ ბ. ჩოხატაურის ექიმისა. რედაქციამ თავის შენიშვნით უფრო მეტი შეურაცხყოფა მიაყენა ბ. ეკიმს, ვიდრე „წაველამ“ რაზედაც არავითარი საბუთი არ ჰქონდა. ამასთანავე ჩვენც, ვინც ვუსაყვედურებდით ბ. „წაველას“ და ვაფრთხილებდით, რომ პიროვნებას უფრო გაფრთხილებით მოპყრობოდა, ძრვიელ შეურაცხყოფილად გვრძნობთ თავს რედაქციის მიერ. ამიტომ ვაძლევეთ წინადადებას, პირველსავე მორიგ რომერში გაასწოროს შეცდომა.

ამხანაგების მონდობილებით: იოსებ მეგრელიშვილი, ონოფრე კალანდაძე, თეოდოლე ჩიჩუა, სიმონ ბერიძე სამუელ თავართქილაძე.

ღია წერილი ფერშლებს.

თეოდოლე ჩიჩუას, ონოფრე კალანდაძეს, იოსებ მეგრელიშვილს, სიმონ ბერიძეს და სამუელ თავართქილაძეს (ბოდიშს ვიხდით თუ შევეცდით — დანამდვილებით ვერ გავიგეთ სამი უკანასკნელი მართლა ფერშალი არის, თუ ფერშალის მეგობარია).

მოგახსენებთ ბ.ბ. ფერშლებო, რომ არც წინათ და არც ეხლა თქვენი ექიმისთვის არც ჩვენ და არც ჩვენ თანამშრომელ „წაველას“ შეურაცხყოფა არ მიუყენებია. გვიკვირს რას ცხარობთ ასე?! თუ მაინცა და მაინც ძალიან თავს გამოიდებთ — წინადადებას ვაძლევეთ „წაველას“ გამიმეოროს თავის ნათქვამი და შეურყეველი საბუთები წარმოგიდგინოს თუ გტყუანი ვიქნებით ბოდიშის მოხდას მერეც მოვასწორობთ.

პატივისცემით „მათრახის“ რედაქცია.



სადამო-მონსტრი, ქართულ თეატრში.

(მიზაძვა დრამატულ საზოგადოების რეკლამისა).

იენისის 2-ში, ორშაბათ დღესა.
 (საყოველთაოდ უნდა ვსთქვათ ესა) —
 გამოვიბერტყეთ ჯიბისა ბსკერი,
 ქართულ თეატრის ვიხილეთ ჭერი!

ყველა დაიბაზი: თეატრის, კლუბის,
 (პირდაპირი თუ მარცხენა უბის)
 იყო სულ ღია...
 ხალხი შიგ ისხდა: ვერის, დიდუბის,
 თბილის-ქალაქის სუყველა უბნის
 რაც დაეტია!..

მხიარულება, სიცილ-ხარხარი,
 ღზინის სადამო გულ-გასახა ი —
 გაღვევქცა კმუნვათ
 და ჩვენი სცენა: ქუეის საღარო,
 გონების სკოლა, ცხოვრების წყარო —
 მასხრების ხტუნვათ!..

სულ დაავიწყდა: არტისტებს — როლი,
 ლექტორს — სიტყვები, ქმრებს — თავის ცოლი,
 ცოლებს — ქმარ-შვილი,
 და თეატრისა ფართე პარტერში,
 გვერდის ლოქებში, თუ ზემოდ ჭერში —
 გამეფდა ძილი.

მათრახოსანი.